



Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

16. Dies Maji. Non accepimus brevem vitam, sed fecimus, nec inopes ejus,
sed prodigi sumus.

urn:nbn:de:hbz:466:1-45477

370

Christiani Militis

Majus,

projicitur in tenebras exteriores? Igitur excole-
grum, ut referas fructum. Enim verò:

Fructus non sic multus, ager si non bene cultus.

16. DIES MAJI.

Non accepimus brevem vitam, sed fecimus
nec inopes ejus, sed prodigi sumus. *Sene-*
de brev. vit. c. 1.

Otium. I.

DAmna otii non obiter expen-
denda sunt, sed cum otio, l-
lud vitam etiam ad lulu-
multa, & Olympiades prorogatam, reddit brevem
quia otiosi vita, cùm nullius sit metii, nullius
quoque est pretii. Nam tempus otiosè impendens
est temporis premium, quod est majus omni pre-
prodigere, otium vitiosum est triplex, quod tribu-
his punctis perstringemus. Primum est purum o-
tium, quod ab omni seria actione est remotum. Illi
fruuntur, quoruim animos libido effeminavit, q-
ut in alto mari, sine gubernatore, sine remige, omo-
bus ventis blandientis licentiae ad langidam corpo-
ris oblectationem rapiuntur: qui veterno languid-
ignaviâ diffluentes, quasi nati consumere fruges, p-
gritia emolliti, & delinimentis otiosi voluptatis, n-
hil boni honestique moliuntur: in risu, in nugis,
fabellis pretiosum tempus occupant, in continu-
cessatione, inerti, vitiosâ, quasi jumenta in sterco
suo computrescunt. Illi tales, quæcumque De-
vel natura, vel Ars aliqua illis ad obsequium, dedi-

cop.

Majus
excole
ultus,
fecimus
s. Sena

Tessera.

371

convertunt in suum damnum, potum ad ebrietatem, cibum ad crapulam, otium ad somnolentiam, quietem ad marcorem, valetudinem ad voluptatem, formam corporis, ad culpam libidinis, ingenium ad fraudes, scientiam ad superbiam, homines planè in gloriæ, & mœsi, quorum vita est vivorum hominum sepultura.

II. Alterum genus otii est negotiosum, & eorum est proprium, qui omne tempus suum, & omnem industriam collocant in rebus nihili, qui otiosè laboriosi in futilibus, novisque negotiis, nullo suo vel alieno fructu laborant: qui operosè omnia agendo, nihil agunt: qui sunt (ut loquitur Tertullianus) famane negotiatores, ut potè qui in foro, in Gymnasiis, in theatris famæ suæ, atq; ostentationi sicutientissimè velificantur, qui in vanum operosi otiosissimis occupationibus perdunt diem. Illi nunquam sunt apud se, toti effusi in res vanissimas, propria despiciunt, se immiscent assiduissimè in alienis, non se continent inter privatos parietes, forum, tonstrina, & trivia placent; per alienas domos vagantur, quid ubique fiat, quid dicatur volunt cognoscere: per viciniam, ut muscæ importunæ volitant, totâ urbe nullâ causâ, nullius bono circumcursorant. Denique toti vagi, & inquieti plus foris, quam secum habitant: quibus singuli dies, perpetuæ sunt nundinæ, inutiles, & vanæ, tumultuosum forum, inops mentis, & rationis jactatio, turbulentia in futilibus rebus sollicitudo, & in caducis perennis circuitus. Interim nullæ sumuntur digne Christiano actiones, eripitur è menuibus celum & gloriæ lumen.

III. Tertium genus est illorum, qui Dei dotibus

A 2 2

otio

otiosissimè abutuntur. Qui cùm pæcent ingenio, ignavi consenescunt in otio, nihil efficiunt ad publicam utilitatem, nihil ad suam; defodiunt cœlidona, oblivione virtutem, otio artem, silentio maximum rerum cognitionem, obliteratione sapientes cogitationes, utilissima facinora quæ possunt aggredi & exequi domestico, velut stupore consepiuntur. Quare post vigorem juventutis languescentes, nihil jam grande moliuntur, nihil præclarum cogitant, nihil divinum meditantur, vitæ ipsius causa vivunt & plurimum fecisse se putant, si quietissimè, & commodissimè ætatem agunt. Illud porrò multo maxime est indignum, si exquisiti ingenii dotibus exculti, variis scientiis imburi, & à Deo ad res graviores subornati, sese ad humillima quæque abjicerent: si toto dies cum catellis luderent, cum pueris garrire, & equitarent in arundine longa, in tonstrinis federent, oberrarent in triviis, cum histrionibus nugarentrū cum stulto illo Imperatore muscas domi, contentione irridendâ captarent. Tales indubie januam apriunt inertissimo otio, & impuræ voluptati. Nos tur non ita amentes, & prodigis simus rei pretiolam, & irrevocabilis, & irreparabilis: æstimemus quia est inæstimabile, vel punctum temporis, quonobis possimus comparare æternitatem fælicitatis. Denique ubi otium, illuc omne vitium. Hoc enim altè mihi residet oraculum Poëtæ:

Miles amat Bellum, venus otia, cultor agellum.